

齊氏醫案崇正辨訛

戎州逸士有堂齊秉慧纂著男

高東山較錄
端聶巨六丁

楊宗抱溫如

受業

張九錫太和

古學恒常新較閱

王臣傑國祥

女科要言

語云能治十男子莫醫一婦人。蓋言審病認証之

難也。何則。凡治病不外望聞問切四法。然婦女見人。顏色每多嬌羞。聲音每逾卑小。則聲不得其正。色不得其平。而脂粉叢中。又不得任我之回詳審視。則望聞之法廢矣。且病多不便之端。難為告語。欲詰其所由。詢其所由。莫得一二。診其脈氣無定。紡緝纖紆之寬。脈因而動。目瞑嗜卧之際。脈因而靜。而問切之法又廢矣。自非悉心觀變。闡明至理。烏能臨証。別有一種元機。遍見五內。而方藥得當哉。然男婦之病。不外性情之邪正。由正而致病者。

其病雖險。而奏效亦速。由邪而致病者。其病雖淺。而見功尤難。慧入杏林。閱歷有年。常見德性溫良。舉趾端莊之婦。孝敬公姑。相夫教子。勤務女工。厨竈井臼。雞犬桑麻之事。俱皆一一盡善。此女中君子也。必無災病。偶或起居失節。飲食失宜。感冒風寒。亦易為治。若逆妒險惡。失敬失養。奪夫之權。因尊凌卑。醉飽自耽。全無婦德。又見一等自不生育。不容納妾。致夫絕嗣。此罪重惡極。天敎病入膏肓。即有盧扁再生。亦難治療。余痛識此弊已久。今於

婦科篇首。因立醫方。借作勸戒。至於分經辨証。法按
治病。惟馳遠之書。於婦科門中。獨步千古。余不揣
謏陋。略為增補。附錄之。以為後學廣一津梁云爾。

女科秘要

調經

大凡經水不調。必皆因病而治。無病之婦。蓋未有不調者也。經曰。女子七歲而鬻。二七而天癸至。月事以時下。交媾而成孕。七七而天癸絕。地道不通而無子。乃天然不易。安有所謂經水不調者哉。蓋為病所阻。營衛經輸。不能自裕。運行升降。皆失其常。以至月事愆期。或前或後。不以時下。倘若不能分經辨証。按法治病。徒用調經諸方。非但經不調病不除。而不死者。

幾希矣。務必求其所以治病之由。或為六淫外邪。或為七情所傷。或為飲食傷脾。或為痰飲阻隔。或本氣多火。或多血妄行。而經無常。或素稟虛寒。陽氣不運。而血滯。或經水短濇。由於陰津枯涸。或崩中帶下。或因脾胃氣虛。凡此務宜審其病屬何經。察其本氣虛實。辨其寒熱陰陽。確有所據。而後按法以治其病。而營衛經輸各自流通。運行升降。悉如其常。則經自調矣。所謂治其病。正以調其經。上乘法也。

從來女科。皆重在調經。謂經不調。不能受孕。故專以

調經為主。以愚觀之。殊屬不然。常見有子之婦。無論經水調與不調。皆能受孕。其無子者。並非五不女之類。雖月信如期。終身不產。此蓋天地化育之妙。有不可得而知也。其調經之說。竟可以不必。而治病之道。必不可不講。若病不除。匪但不孕。命且危矣。予故諄諄曰。治病是其要訣也。推之安胎催生。亦皆當以治病為要。其秘屢試屢驗。其理可信。可憑。女科諸書。各形紕繆。予非敢私執臆說。創闢新奇。竊恐膠柱鼓琴。良多貽誤。南華篇云。曲士不可以語於道者。束於教。

也。同志君子尚其鑒之。

六淫外邪。乃風寒暑濕燥火也。天有六氣。分為四時。序為五節。過則為蓄。淫生六疾。何謂六氣。陰陽風雨晦明是風淫末疾。四肢緩急。風証也。陰淫寒疾。寒過則為冷。寒証也。陽淫熱疾。熱過則喘渴。暑証也。雨淫腹疾。雨濕之氣為洩淫。濕証也。晦淫惑疾。宴寢過節。則心惑亂。燥証生矣。明淫心疾。思慮煩多。心勞生疾。火証作矣。春秋前賢和氏已詳言之。其為病各不同。然要不外乎六經。以六經之法按而治之。更當察

其本氣虛實寒熱陰陽則皆得之矣。

七情為病。不必穿鑿於所因。統而言之。皆為抑鬱憤懣之氣。阻遏胸中。以致飲食漸減。則生化之源漸窒。因而經水不調。法主宣暢胸膈。條達脾胃。收攝腎氣。方宜黃芪、白朮、茯苓、遠志、砂仁、白朮、半夏、桔梗、兔絲。故紙。更當相其本氣而為加減。飲食傷脾。宜用芪朮、茯苓、砂仁、神麴。痰飲阻隔。宜六君加炮姜、草薢。火邪迫血妄行。宜用生地、丹皮、桃仁、童便、涼血活血。更加淺芪補氣。以統攝之。素稟虛寒。

齊民要術卷六
者。宜用參、芪、白朮、薑、附、肉桂。若脾氣虛弱，不能統血，而為血崩者，宜用芪、朮、蔓、草、山、藥、芡、實。故紙。凡血妄行者，或上行而為吐衄，下行而為崩漏，均皆脾虛不能統攝所致。法宜大補中氣以固脾胃。此一定之理也。

慧常見婦女因月信來日，不善調養，其六淫外邪乘隙而入血室，經期一至，血不下行，上逆吐衄，名曰逆經。余每用四物湯大劑，加大黃，酒浸五錢，水煎入童便和勻溫服。血熱者用生地一兩，血寒者

去生地熟地倍加血止然後察其虛實調理。

曾治一婦患奇証。每當經期。腹中痛連少腹。引入陰中。其經血不行於前陰。反從後陰而行。三日則腹痛諸証自已。次月當期亦復如是。延予診視曰。此太陰脾氣虛弱。不能統攝。少陰真陽素虛。陰寒內結。而為腹痛。侵入厥陰。則痛連少腹。引入陰中。其証總為三陰寒結。阻截前陰。經血不能歸於衝任。而直趨大腸。宜用芩朮。薤苓。大補中氣。附桂。薑砂。以驅少陰之寒。吳茱川椒。以散厥陰寒結。更加山藥。芡實。塊澁。大腸。

香附萬年霜。老瓦房。前半面瓦。縫內。引導前陰。一定
之理也。其夫依法調理數月。則經自調。乃未幾而自
受孕矣。

女科書。或有調經先去病之說。然不能分辨六經。
按法治病。如所載赤白帶下。白淫。白濁。癥瘕積聚。
痰癖。腸覃。石瘕。諸証。但執一方而無可憑之理。誠
恐貽誤世人。余故作是書。而明其要訣。雖僭越無
似。實出於不得已也。否則曷敢更置一喙哉。

經開

經閉不通。各有所因。未有無因而經閉者也。從前女科諸書。不能分經用藥。所載方論。概不足錄。今酌定治病。手眼。總在臨証之際。詳悉審問。得其所因。確有所據。按法為治。其應如响。

若其人陰虛火旺。精血短少。漸至乾枯。而經不行者。宜用地黃。阿膠。滋陰養血。丹皮。以瀉血熱。降真香。以行血中之氣。香附片。以通其經。而經自行。

若其人陰盛陽虛。冷積胞門。而血不歸經者。法宜附桂。薑砂。以逐冷積。芪朮。蔓荅。大補陽氣。使陰退陽回。

而經自行。

曾治龔雲從之婦。經信兩月未行。醫用膠艾四物湯加紅花二十餘劑。則芒刺滿生。舌胎腹膨作泄。人事困倦。身重惡寒。雲從來寓求治。予曰。飲食減少。腹膨作泄。屬太陰。人事困倦。身重惡寒。屬少陰。胎刺干黑者。陽虛不能薰騰津液之所致也。方用芪朮薑附砂半桂苓。故紙服六劑。而身發大熱。吾知其泄旦夕必自止。再三劑。其泄止矣。身熱漸微。而腹中又覺大熱。其夫恐附子太過。予曰。裏陽來復佳兆也。積陰可化。

經當自通。又十餘劑。而人事康復。飲食加健。脰脹俱消。舌胎盡退。經信行通如故。

有為精積一証。乃因經信當行。血海未淨。而強與交媾。精與污濁互結。而積於胞胎之中。以致阻塞經閉不通。狀似有孕。而証不同。有孕之婦。飲食喜惡不常。且腹中胎息汨汨微動。精積之証。悶亂不安。飲食不下。腹無胎息可驗。更當密問其夫。果有此事。與否以憑用藥。庶不致誤。其法攻堅破結。方用糯米一兩。班猫十五个同炒。黃色易班猫再炒。去班猫。用糯米。花乳石一兩。石硫黃五錢同

煨煙淨取出研末。山羊血甲珠製硫黃無名子肉桂
黃芪白朮人參各五錢巴霜紅花桃仁降真香各三
錢飛淨硃砂一兩虛寒者加薑附五錢火旺者去肉
桂加大黃香附各五錢已上共細末。吳神麴糊丸每
用開水送五錢攻破堅結即愈。若用藥不得其法延
至牢不可破無能為也。

有為濕痰佔踞胞胎者其腹漸大白帶常來飲食非
如孕婦喜怒不常且又無胎息可驗皆由脾胃素虛
而生化之源為留飲窒塞是以精血不行兼之腎陽